



UNIVERSITÄTS-  
BIBLIOTHEK  
PADERBORN

**Scientia Salvts, Sive Considerationes Piæ, Præcipuam  
Spiritualis Vitæ Materiam complectens**

**Laberhittel, Samuel**

**Ingolstadii, 1660**

136. Fer. 4. De magnitudine gloria Beatorum.

---

[urn:nbn:de:hbz:466:1-59837](https://nbn-resolving.org/urn:nbn:de:hbz:466:1-59837)

*Feria 4. post Dom. 2. post Pasch. 237*

hæc à me sicut sum, quàm digitus à cœlo octavo: & quidquid sentire amoris potest quis in hac vita, minus est, quàm gutta ad oceanum, si conferatur cum gaudio, quod habent Beati: adeò nondum inventum est, quod conferri possit cum gloria æterna.

MEDITATIO CXXXVI.

*Feria 4. post Domin. 2. post Pascha.*

*De magnitudine gloriæ Beatorum.*

**M**emoriã repetam petitionem Augustini ad Hieronymum, ut quis ejus esset sensus de cœlo, sibi perscriberet, cumque interea obiisset Hieronymus, tamen Augustino apparens respondit, facilius esse stellas cœli, & arenas maris, & oceani guttas numerare, quàm quid sit gloria cœlestis exprimere. Apud Bessæum Concione de cœlo. Petam intelligere magnitudinem gloriæ Beatorum, & consequi.

*Conf. 1.* Tantam esse vitæ æternæ felicitatem, ut nec ex revelatione divina possit intelligi: quia nec Fides, nec Spes divina cõperungere potest, juxta Isa. cap. 64. & 1. ad Cor. cap. 2. quæ utraque, quò propius ad beatitatem accedit, magis evacuatur, juxta illud Augustini: Quod Deus se amantibus præparavit, nec per fidem potest penetrari, nec per spem attingi: adeò nullo sensu, nullo



238 *Feria 4. Dom. 2. post Pasch.*

lo intellectu, nec humano, nec Angelico, nullâ revelatione, nec fide, nec spe divinâ plenè concipi potest illa pretiosa margarita, denarius diurnus, thesaurus absconditus, hæreditas cœlestis, corona gloriæ, præmium infinitum.

*Conf. 2. Verba Psalmistæ: Melior est dies una in atrijs tuis super millia. Quòd si terrena essent æterna, & cœlestia transitoria, spernenda essent æterna, & millia annorum mundi, cum omnibus suis delicijs, pro una die cœli, propter incomprehensibilem bonorum cœlestium abyssum.*

*Conf. 3. Verba D. Sufonis ex Dialogo Sapientie: O si quis iusto posset perpendere, & ponderare iudicio Tempus, & Æternitatem! mallet ille profectò vel centum annis in ardenti jacere camino, quàm vel minimâ levissimâ afflictionis carere mercede in cœlis æternùm percipiendâ: illud namque finem habet: istud nullo clauditur termino.*

MEDITATIO CXXXVII.

*Feria 5.*

*Amplius ostenditur magnitudo gloriæ Beatorum.*

**A**spiciam illud convivium Regium, cœnam magnam, satietatem cum deside-

119.